

ო ქ მ ო N 4

ხობის მუნიციპალიტეტის საკრებულოს ქონების მართვისა და ინფრასტრუქტურის
კომისიის სხდომისა.

(სხდომა ჩატარდა იურიდიულ საკითხთა კომისიასთან ერთად)

ქ. ხობი.

2020 წლის 4 მარტი.

სხდომას ესწრებოდნენ კომისიის წევრები:

1. ვლადიმერ ქანთარია
2. ნიკოლოზ ვეკუა
3. იგორ გოგოლაძე
4. გოჩა ჯობავა
5. გენადი ქამანაია
6. აკაკი ხურცილავა
7. რამინ ხილაძე
8. გოჩა სიჭინავა
9. შადიმან ჭილაია
10. კონსტანტინე ნასარაია
11. მერაბ ნადარაია
12. კახა ლატარია
13. დავით ცინაძე

სხდომას თავმჯდომარეობდა ვ. ქანთარია - კომისიის თავმჯდომარე

დღის წესრიგი:

1. ხობის მუნიციპალიტეტის მერის გ. ქაჯაიას 2019 წლის 24 დეკემბრის N 06/4583 წერილის
განხილვა - ხობის მუნიციპალიტეტის გურიფულის ადმინისტრაციულ ერთეულში (სოფელი

+

მეორე გურიფული) თბილისის ქუჩისთვის სახელის გადარქმევისა და ტარიელ გელანტიას სახელის მინიჭების შესახებ.

(მომხსენებელი: ვ. ქანთარია - ხობის მუნიციპალიტეტის ქონების მართვისა და ინფრასტრუქტურის კომისიის თავმჯდომარე).

კენჭი ეყარა დღის წესრიგის წარმოდგენილ ვარიანტს.

კენჭისყრის შედეგები:

მომხრე - 13

წინააღმდეგი არც ერთი

დაადგინეს: დღის წესრიგი დამტკიცდეს წარმოდგენილი სახით.

დღის წესრიგით წარმოდგენილი საკითხის განხილვა

1. ხობის მუნიციპალიტეტის მერის გ. ქაჯაიას 2019 წლის 24 დეკემბრის N 06/4583 წერილის განხილვა - ხობის მუნიციპალიტეტის გურიფულის ადმინისტრაციულ ერთეულში (სოფელი მეორე გურიფული) თბილისის ქუჩისთვის სახელის გადარქმევისა და ტარიელ გელანტიას სახელი მინიჭების შესახებ.

(მომხსენებელი: ხობის მუნიციპალიტეტის საკრებულოს ქონების მართვისა და ინფრასტრუქტურის კომისიის თავმჯდომარე).

მოისმინეს: მომხსენებელმა აღნიშნა, რომ ხობის მუნიციპალიტეტის საკრებულოში ხობის მუნიციპალიტეტის მერიიდან შემოსულია 2019 წლის 24 დეკემბრის N 06/4583 წერილი, რომლითაც წარმოდგენილია ინიციატივა ხობის მუნიციპალიტეტის გურიფულის ადმინისტრაციულ ერთეულში (სოფელ მეორე გურიფული) თბილისის ქუჩისთვის სახელის გადარქმევისა და ტარიელ გელანტიას სახელის მინიჭების შესახებ. საკრებულოში შემოსულია ასევე გურიფულის ადმინისტრაციული ერთეულის (სოფელი მეორე გურიფული) მაცხოველებელთა კოლექტიური განცხადება თბილისის ქუჩისთვის სახელის გადარქმევისა და სახელმწიფო მოღვაწის, აწ გარდაცვლილი ტარიელ გელანტიას სახელის მინიჭების შესახებ, სადაც აღნიშნულია, რომ ტარიელ გელანტია დაიბადა სოფელ გურიფულში, აქვე დაამთავრა სკოლა. შემდეგ სწავლა განაგრძო თბილისის სახელმწიფო უნივერსიტეტში. 1978 -1990 წწ. ეწეოდა სამეცნიერო მოღვაწეობას თბილისის სახელმწიფო უნივერსიტეტში, იყო პოლიტიკური ეკონომიკის კათედრის ასისტენტი, დოცენტი; 1983 - 1990წწ. უკრნალ „ეკონომისტის“ განყოფილების გამგე; 1991 - 1992წწ. - საქართველოს უზენაესი საბჭოს წევრი, მაჟორიტარი ხობის საარჩევნო ოლქიდან, პრეზიდიუმის წევრი, საფინანსო - საბიუჯეტო კომისიის თავმჯდომარე; ხელი აქვს მოწერილი საქართველოს დამოუკიდებლობის აღდგენის აქტზე (1991 წლის 9 აპრილი), იყო ეკონომიკის მეცნიერებათა დოქტორი. აღსანიშნავია, რომ სახელმწიფო და საზოგადო მოღვაწე პირთან

დაკავშირებული სახელდება დასაშეებია ამ პირის გარდაცვალებიდან არანაკლებ 20 წლის გასვლის შემდეგ. ამ წესიდან როგორც გამონაკლისი, ხობის მუნიციპალიტეტის საკრებულოს მიერ 2020 წლის 28 თებერვალს მიღებულ იქნა განკარგულება N 6 „ხობის მუნიციპალიტეტის გურიფულის ადმინისტრაციული ერთეულის ტერიტორიაზე არსებული თბილისის ქუჩისთვის ტარიელ გელანტიას სახელის მინიჭების მიზანშეწონილობის თაობაზე“.

აღნიშნულ საკითხთან დაკავშირებით ქონების მართვისა და ინფრასტრუქტურის კომისიის მიერ მოსახლეობასთან ჩატარდა კონსულტაციები, გამოვითხვები და მხარდაჭერილ იქნა მერიის მიერ წარმოდგენილი ინიციატივა.

კომისიის თავმჯდომარემ ვ. ქანთარიამ აღნიშნა, რომ საკითხი ასევე შესწავლილ საკრებულოს იურიდიულ საკითხთა კომისიის მიერ და კომისია ეთანხმება წარმოდგენილ წინადადებას ხობის მუნიციპალიტეტის გურიფულის ადმინისტრაციულ ერთეულში (სოფელი მეორე გურიფული) თბილისის ქუჩისთვის სახელის გადაწყვეტისა და ტარიელ გელანტიას სახელის მინიჭების შესახებ.

ზემოაღნიშნულიდან გამომდინარე, მომზადდა განკარგულების პროექტი „ხობის მუნიციპალიტეტის გურიფულის თემის ტერიტორიაზე არსებული ქუჩების სახელდების შესახებ“ ხობის მუნიციპალიტეტის საკრებულოს 2011 წლის N 98 განკარგულებაში ცვლილების შეტანის თაობაზე.

სხდომის თავმჯდომარემ კომისიის წევრებს შესთავაზა წინადადება სახელდებასთან დაკავშირებული დოკუმენტაცია, საკრებულოს სხდომაზე გატანამდე, თანხმობისთვის წარედგინოს გეოგრაფიული ობიექტების სახელწოდებათა დადგენის, ნორმალიზების, გამოყენების, რეგისტრაციის, აღრიცხვისა და დაცვის მიზნით, გეოგრაფიული ობიექტების სახელწოდებათა სფეროში მოქმედ სამთავრობო კომისიას.

აზრი გამოთქვეს: კომისიის წევრების მხრიდან შენიშვნები არ გამოთქმულა.

კენჭი ეყარა წარმოდგენილ წინადადებას.

კენჭისყრის შედეგები:

მომხრე: 13

წინააღმდეგი: არც ერთი.

დაადგინეს: სახელდებასთან დაკავშირებული დოკუმენტაცია, საკრებულოს სხდომაზე გატანამდე, თანხმობისთვის წარედგინება გეოგრაფიული ობიექტების სახელწოდებათა დადგენის, ნორმალიზების, გამოყენების, აღრიცხვისა და დაცვის მიზნით, გეოგრაფიული ობიექტების სახელწოდებათა სფეროში მოქმედ სამთავრობო კომისიას, რის შემდეგაც მიზანშეწონილია მისი დამტკიცება საკრებულოს სხდომაზე.

დღის წესრიგით გათვალისწინებული საკითხების ამოწურვის შემდეგ სხდომის თავმჯდომარემ სხდომა დახურულად გამოაცხადა.

სხდომის თავმჯდომარე: 3 გენ/ / 3. ქანთარია/

3 გენ/